

大清光緒卅一年

本館新開除禮拜外每日出論
本館外埠均可函致本館取
閱如外埠閱報加寄費不
也除日本英德法各國各
惜工本從英德法各國各
紙各機器以待與各官紳
刊印書籍單件並有英各
體活字及各式花邊等延
西文大小均能印刊並精工
印字大小均能印刊並精工

第七千一百零八號

叻報

(D零號四廿百一第牌門力得實勞哥在館本)

印工級絕倫並延有文士書
寫各體文字現由上海購到
各種書籍出售其書目另行
刊佈所有各項價甚相宜再
世道人心者附登其亦須無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫真爵里而後敢
將原稿收回也本館謹白

乙巳九月十四日

Printed and Published by See Ewa Lay (四拜禮號二十月十年五零百九千一英大) at No. 124-D, Cross Street, Singapore.

良醫壽世 ○啟者大國手朱義山先生術擅岐黃誠屬今之盧扁也日前僕在坤甸因染足疾背
節酸痛異常特延先生到埠施治病即霍然由是僕之兩弟以及眷屬親朋之抱恙者紛紛求醫皆各春回
指下眾欲屈留久駐有艱難償現在先生業已出叻懸壺十三行南盛乾菓店坡人士有欲立起沉痾者請
各按址求之幸勿交臂失之可也此佈 光緒卅一年九月初四日 坤甸開合號郭文興謹啟

增聘主筆 ○啟者本館近欲增聘主筆一位帶司報務 諸君子有不嫌俯就者或投函本館主
人俾悉 文旌所止或逕 惠臨 賜教悉候尊裁此佈 本館謹啟

入股聲明 ○啟者媽祖官後街十九號門牌義泰顧繡莊原係葛仲璋開設因缺乏人力特將
此項生理招豆腐街宏濟局陳菊友合股改為榮德豐記公司茲移在大馬路吉靈廟對門八十一號門牌
開設係八月初五日開門懸牌除未開門以前榮德豐記國家已經拍賣與本公司無涉外從今以後葛仲璋
前往上海採辦貨物陳菊友專管叻號生意一切收發貨件往來銀項必須陳菊友親筆花押方能核准別
人不得干預以杜弊端本公司專辦蘇杭綢緞官妝顧繡翎頂珠補官靴朝帽銀銅烟袋雅扇雲履時式新
衣以及南膠彩蛋一應俱全價值格外公道如蒙 官商惠顧請認明本號招牌是荷其有銀錢往來則以
陳菊友簽字為准此佈 光緒三十一年八月廿三日 榮德豐記公司 葛仲璋 陳菊友謹啟

諭旨恭錄

八月十八日奉 上諭商部奏振興東三省商務請飭妥籌辦法一摺東三省地大物博風氣未開亟應指
定地界多開場埠推廣通商期與有約各國公共利益飭地方官舉辦各項實業以興商務著外務部商部
會同北洋大臣袁世凱盛京將軍趙爾巽統籌辦法妥議章程具奏候旨施行欽此○二十七日奉 上諭
載澤等二十六日乘火車出京正擬開行院聞轟震之聲查係炸彈碎發載澤紹英均受微傷除車旁傷斃
三人其餘隨員僕從亦有微傷車內烘斃一人有炸彈毀裂痕跡等語並據那桐具奏前來光天化日之下
竟有匪徒如此橫行實屬目無法紀著責成步軍統領衙門順天府工巡局督辦鐵路大臣等務切查拿澈
底根究從重懲辦以儆兇頑所有外城工巡局委員及南營營將鐵路車站委員疏於防範均著取職名交
部議處餘著照所議辦理欽此○二十九日奉 上諭綽哈布錫長等奏請軍進克巴塘戰平邊亂一摺本
年春間巴塘番匪煽亂戕害駐藏大臣鳳全等迭經電諭該將軍總督趕緊派兵剿辦茲據奏稱馬維祺等
親率各營直搗巢穴將戕害鳳全之正犯喇嘛咤澤隆隆般耶吉等及其餘各犯悉正典刑巨孽剪除全巴底
定辦理尚為迅速自應量予獎叙四川提督馬維祺著賞給頭品頂戴並著賞加黃馬褂建昌道趙爾巽著
交部從優議叙出力各員除錢錫寶甫從恩准承不叙用毋庸加恩外餘均著照所請以示獎勵餘著照所
議辦理該部知道欽此

接議裁約專電

○本坡實得力太晤士西報接到十三日印度森勝發來專電云中國業已另派
使臣前來架刺吉打接議前使唐紹儀所訂裁約中未完之款另派之使臣乃係現任北京外務部某參議
人員云

英法德交涉專電 ○本坡實得力太晤士西報接到十二日德京發來專電云德廷因為得接英
京來札藉悉法京嗎珍報傳播英法德秘密之事故將意見宣示云所傳請助法一節想係法京前任外部
大臣尼呂加私乘運動之言當日因見各廷臣會商德法交涉之時該外部欲阻各大臣使不得因與德
國所商摩事同萌推讓是以故甚其詞以取廷僚之議云 同日德京專電云各法報定必不允聽從政府
欲與英國抑與德國訂立聯盟之約諸報之意以為法國必須妥籌良策免受英德兩國之挾制云 同日
德京專電云著名某德報有所感觸論謂所傳英請助法一節尚未可信必須等候英國前來如何辨論乃
悉確情此外各德報亦皆論謂此事英國務必前來剖白云 按各德報欲迫英國剖白此舉之有無殊屬
糊塗之極各報欲知英國否有此舉祇須自問該國平日如何看待英國便能相喻於無言若使所行政策
常謀不利於英又何怪英國畧行報復以鄙見而論德之行爲久欲中傷英國所幸英國向來寬大凡其陰

繼起良醫 ○余友張子光大埔人也旅叻廿餘年以醫著名全家老幼凡有抱病賴先生皆隨手奏效今年六月先生以無疾壽終合家聞知如失左右手昨晤先生長君百良及其高弟溫竹生均得先生珍秘衣鉢真傳深喜先生繼起有人非獨余一家幸也抑亦可與同人共幸已現寓新巴剎萬山棧海山街永安內視脈發登報章俾知住址 光緒卅一年九月初八日 星嘉坡錦發號佈告

辭伴聲明 ○佈啓者本號陳庚隆經已辭職嗣後如有與各 寶號來往銀項貨物等事惟向他經手是問與本號無涉特此聲明庶免後論此佈 光緒三十一年九月初八日 源順街協盛號謹啓

善醫良馬 ○現有醫馬先生乃日本人名策島太朗住茫龜魯實得力門牌二百三十九號精於醫馬緣做有馬一隻病不能御歷尋數醫無能痊者故尋到此位先生請其治之數日之間馬雄如舊則病根除矣今佈告同人如有蓄馬者或有不能御車或不如龍之處知到此位先生處請治無不盡妙此啟 光緒三十一年九月初八日 洪保祿謹啟

便用棧房招租 ○啓者茲做號有便用棧房一間在苑生巴剎內東興峇勝棧隔壁門牌六號該棧房深係三落高有三層後通落路貨物可以上落水更有晒埋堪用曝物此屋乃作棧最宜之所也 諸君欲要承租者請移玉到水廊頭左灣路苑生做號相商便妥此佈 光緒三十一年九月初七日 苑生全記謹白

生理收盤 ○啟者源順街門牌二百四十號源順成號原係陳振源開設近因仙逝將其生理掛抄與于陳福全茲于陳福全將此店生理即日收盤茲特佈告凡源順成號欠到外間賬目限以一禮拜內列單前往牛車水崎源順內理會過期自誤外間有欠源順成之數均託源興號代收此佈 光緒三十一年九月初七日 源順成號陳福全謹啓

上海華洋保壽有限公司廣告 ○啟者茲本公司業已分枝于實得力及四州府等處凡各華商有欲購保壽命者求各 玉臨本公司之寫字樓面商一切或賜函索取本公司時常分派之小啟一閱便悉本公司所定辦理保壽章程比之他家更為優異本公司之寫字樓設在土庫後陸君裕祐新建之屋門牌廿七號內特此佈 聞 光緒三十一年八月廿九日 新嘉坡及四州府代理人里美謹啓

擊毬而傷其足 ○未士古拿辣尼現在宦遊西廊年富力強多材多藝為同輩所素仰前因擊毬失足遂致不良於行古君曾將其事顯末為余述之茲照錄呈電覽計亦堪寓目也 其言曰 己亥年某日僕在毬場賽技偶然失足當時不甚痛楚是以不欲半途中止賽至完場是晚即見腿骨疼痛由是而日重一日雖曾在醫院刀割一次不料跛痛痛轉深迨至服了韋廉士大醫生紅色補丸然後痼疾方除耳 溯染病之時始則左腿痠痛日深一日直至臥床不起及往醫院就醫時醫者云係腿筋拘攣必須引而伸之方可奏效迺雖如法施治而寸步毫無跛痛如昨當時僕在板刀亞地方當司鐸書院與做寓相去不遠而每天亦須乘車赴學蓋不能步行故也幸二三年前偶閱某報紙見所論韋廉士大醫生紅色補丸一則僕偶一試之乃服了兩瓶之後則痠痛已減僕遂一連再服乃隨服隨見功效直至步履如常可以登山可以度嶺屈指如今已兩年矣而舊恙一概未有復發也韋廉士大醫生紅色補丸之有功於余者豈淺鮮哉正欲修函道謝藉伸忱悃今幸逢君得對面談較楮墨為尤暢快矣 醫院醫而不愈之症仗紅丸之力而挽回者甚夥此其一者耳此丸專理血份有清血補血之能血壯然後體壯然後痰去新生若臟腑虛弱則各官不司其職矣韋廉士大醫生紅色補丸有回天接世之能是以名馳遠邇謂其能治一切 肝病 腎虧 腹痛 積滯 癱瘓 腳氣 筋痿 未老先衰 瘡疥癬疹 癆傷血枯 婦女經期各病 男子操勞過度 酒色傷身 感受烟瘴者服之更為神効 各處藥店均有發售或直向石叻海旁第一度吊橋脚 韋廉士醫生總藥局採買亦可 每一罇價銀一元五角 每六罇價銀八大元 不論遠近一律不取郵費 新嘉坡海邊第一度吊橋脚韋廉士大醫生告白

招租行棧告白 ○啓者茲有行棧多樣招人租賃 一新建棧房一間坐落附近安申路現傍在可以貯貨至其橫路正在整理 二棧房三間坐落附近浮羅西貢之嗎勝毛路邊門牌第七號第八號及第九號建有二樓地大一萬二千五百丁方英尺現由巴智申西疊洋行租賃至西八月一號便可交屋或欲全租或欲分租均從其便 三棧房二間坐落附近芳林基之飛沙實得力門牌第三十一號及三十二號地大四千四百三十丁方英尺棧中異常明亮甚合揀擇之事 諸君有欲租賃者請各 玉臨冥甫里律門牌第七號零〇佛里沙及甘明士庫面商可也此佈 光緒三十一年六月廿七日 六一 佛里沙及甘明全啓

大荷蘭國駐叻總領事官告示 ○大荷蘭國駐叻總領事 為招投羔丕事照得本國家本年所出之羔丕定期在巴東拍賣有欲知其細詳者仰即前來本署查詢便悉特示 西一千九百零五年正月三十一號 示

大荷蘭國駐紮新嘉坡總領事署告白 ○啓者荷蘭國印度國家定于本年在巴城拍賣羔丕欲知條款章程請來本署詢問便悉此佈 西一千九百零五年七月十九號 光緒三十一年六月十七日 大荷蘭國駐紮新嘉坡總領事署謹啟

劇戰奇觀 ○啟者茲運到新教育益開化民智之影映在昔境開放一新國民之耳目年來各報館新聞雖將日俄戰事登報奇然耳雖熟聞其事究未目睹其形本會特派技師身冒危險時往戰場於槍林彈雨中將戰務攝影俾觀者恍視實現焉其餘戰事概章即晚開演 每夜七點半鐘頭場 九點半鐘次場 每禮拜新畫映出 特等每位收銀一元五角 頭等每位收銀一元 二等每位收銀五角 二等每位收銀二角半 小童折半 光緒三十一年九月初七日 本班主謹白

英國唐安藥料 (DAN'S MEDICINE) ○凡人身熱血每三分鐘必經過腎府一次所以瀝去其滓渣而清順之也然使腎府敗壞不理失其功用則血氣汚濁而疾病隨之矣此世人所以不能不於腎府三致意也汚濁之物弱腎所不能去者滯留血內足以震動筋脈而頭暈目眩坐立不安寢不能寐一切尿淋症風濕症水府症背痛四肢痛水敵病怯心病頭痛濁尿身圍減小腎府腐爛莫不由此而起要之腎府敗壞能生種種疾病此等疾病來原甚遲惟其甚遲故其所以甚險也夫腎府之關係全身既已如此矣要不能不知保護之法欲知保護之法莫如購置唐安氏衛腎丸 (DAN'S KIDNEY PILLS) 價一元五角 唐安衛腎丸 (DAN'S KIDNEY PILLS) 製自最上等之藥根藥草醫治腎府甚是靈驗且安穩平和病人婦孺可吞之無絲毫之害而有可必之益其吞法每日四次餐後睡先為之每次自一粒至三粒不等此丸徒能醫治腎府至於腑臟等類另有一種丸藥名曰唐安消化丸 (DAN'S STOMACH PILLS) 唐安消化丸 (DAN'S STOMACH PILLS) 潔白如冰霜乃世上最好之瀉藥如臟腑稍覺不清吞嚥一二即見功效價七角五分 特恩氏再有一種膏藥名曰 (DAN'S OINTMENT) 專治痔瘡癬疥等類無施不効價一元五角 唐安製造藥廠 西一千九百零四年十二月一號 新嘉坡土庫街門牌十四號孟嘉大藥房謹白

新到影相乾片藥料發行 ○啟者本號專辦影相器具乾片膠紙放大紙各色藥料各款紙疋平價發行代寄各埠依期無誤 富商賜函來問價錢做號樂為答覆此佈 光緒三十一年六月初十日 星架坡直落亞逸街應和會館前五十七號廣興祥謹啟

吉屋招租 ○啟者有大屋一座在希里實得力乃王家山脚門牌四十九號今要出稅可作居家或大飯店教學堂棧間諸君合意祈至源順街坤豐泰記商安此佈 光緒三十一年八月十八日 坤豐泰記謹啟

代理索纜發客告白 ○啟者本公司特字通知 諸仕商等本公司現在本坡及網略代理仰光卑冷銀實玷祿嗎娘卑益朱憐有限公司專沽有油及無油大小索纜本公司可保此等索纜乃係上等之物而價值比之他家更廉 仕商有欲採購者 玉臨本公司可也此佈 大英一千九百零五年五月十六號 光緒三十一年四月十三日 代理人奄翳士衣當牛里亞公司啟

司各脫乳白魚肝油最大之功力能治老少

諸症 童叟男婦 皆獲奇功

司各脫魚肝油 喉部肺部血液骨髓各病

司各脫魚肝油 可以回復病後之元氣

司各脫魚肝油 可以回復復氣力

司各脫魚肝油 其味甚甘無論如何嬌弱補劑者皆能服食誠養身莫大之

勿為偽貨所騙

今日服食司各脫之魚肝油則氣力亦由今日回復矣



光緒三十一年五月十四日換

嗎根望即有利銀行告白

○啟者本銀行創設有年茲將本行情形詳開如左 本行所備本銀計共一百一十二萬五千磅 即一千一百廿五萬元 已收本銀五十六萬二千五百磅即五百六十二萬五千元 各股份人未交之項亦有五十六萬二千五百磅即五百六十二萬五千元 盈餘積項及未分之息共銀十一萬磅即一百一十萬元 本銀行總寫字樓在倫敦 凡諸仕商存寄本銀行之項其一年銀期者以四八仙息算 六個月限期者以三八仙半息算 三個月限期者以三八仙算 來往短期數則以二八仙按日計算凡屬銀行應為之生理本銀行均可承造 諸君光顧請移 玉惠臨面商便安

大英一千九百零五年四月廿六號 嗎根代有利銀行駐叻總理人兒下士嗎謹啟

詳紀械鬥 ○揭邑觀音山鄉黃周藩富甲一鄉而姓刻薄有告貸者輒以重利盤剝不少假借以是同族交惡黃華黃祥等更謀逐之出鄉瓜分其產當經藩上控在案至本年六月間孫車門國乾蒞揭辦鄉會同鄭大令駐鄉清辦華與製祥聞風遠遁乃拿其家屬共二十餘人收禁并焚房屋數十間一面懸紅購拿聞鄉之人受累不少而藩等以為得勢復魚肉鄉民無所不至近因勒田佃還清七年租穀該佃戶不服羣起相抗遂至互鬥釀命報由鄭大令會營馳往相驗並為彈壓該鄉門氛惡甚炮彈如雨迄無休息大令不敢入鄉於去月廿六晚回署即稟請鎮道府憲派兵剿辦聞是日藩等已被該佃戶攻破一圍縱火燒其厝屋數座傍晚又來三點會匪千餘人助各佃戶攻擊藩等藩亦招鄰鄉門手並搜買軍火以為抵禦現在如何情形探悉續登

龍巖通信 ○邇來日本人之入內地調查者甚夥各府州縣皆有其足跡聞駐巖日人齋藤查勘一切尤為詳密其於各處情形以及出產入口日用貨物無不繪圖帖說考察詳明其往來郵件數亦甚多揆其情形殆為後日經營福建地步我同胞其知之否我政府官吏其知之否○朝廷改科舉為學堂已非一日而內地頑固舉貢生監以及中年以過之講學家猶斷斷以八比為性命視學堂為贅疣且以弱國殃民之腐文教其少年子弟而不知世界尚有種種科學新理種種理想政治有庸中佼佼則又專務第二八比之經義策論以為獵取名利地步已耳此外無所謂國家思想民族思想也此吾人所以扼腕痛惜而不禁為我國前途憂也昨有本州志士某某十餘人特具熱賜開一社會擬延日人為教習教授東文東語以為將來遊學日本得以造詣專門嗚呼此舉洵足為此間放一異彩矣

溺斃於水 ○初八日檳城新報云閩人謝君德泰之子名曰敦本於初四夜同一色仔乳籍人駕一小舟在江中釣魚偶爾風濤驟作忽然翻覆以至溺諸水中隨波而流不知漂至何處也迨昨日時色仔乳人之屍浮於海關前經投報捕房請官醫驗畢埋葬本早又有人報知於謝君據云孫雅利尚海灘有華人屍一具未悉是汝子否謝到視得確請驗後殮葬云嗚呼此亦大可憐可憫之事也

獲兇候認 ○聞有粵人廖瑞梅者前在香港因犯殺死廖瑞桂事發私逃潛踪來叻昨早經由某總差在廈門街將伊緝獲拘赴公庭官令展限以俟由港遣人前來認明否屬真兇然後核奪

槍鏢判禁 ○前報粵人洪宗初二晚二點餘鐘經過合洛路被全籍人三名搶去銀時鏢一個并銀鍊一條值銀十元喚二百三十四號暗差拿獲蔡維一名送案其餘二名早已逃走無從查拿一節昨日由府訊實判罰蔡維監禁六閱月

陳蔡復讎 ○日前坡中閩籍陳蔡兩姓人因為送葬起衅分黨械鬪致被巡差拘控于琴堂當由府憲判令覓人為署保券保其期內不再滋事不意時至于今定期已滿兩姓人又復再修夙怨仍逞兇風當場復被差拿數名昨在府署過堂展限念一日乃鞫

外務部議覆常德湘潭自開商埠摺 ○奏為遵 旨議 恭摺具陳仰祈 聖鑒事光緒三十一年七月初八日准軍機處鈔交湖南巡撫端方奏常德湘潭自開商埠籌辦大概情形一摺同日奉 硃批外務部議奏欽此欽遵到部查原奏內稱 中畧 等語臣等竊維自中外通商口岸已逐漸增添內地亦終難閉拒實屬時勢使然湖南近年風氣大開正宜擴充商業該撫以常德湘潭為全省最盛之區請於該兩處自闢商場以期保守主權自係切要辦法並擬以常德歸岳州關兼辦以湘潭歸長沙關兼辦亦屬簡便易行均應准如所請辦理其所勘定地段擬用沿河兩岸不為指定一隅係參照內港行輪章程准各國商民在河道兩岸租設棧房碼頭之意與各口租界情形稍有不同應俟議有詳細章程咨送臣部再加察覈至開辦經費除湘潭即由長沙關稅項下提撥外其常德一埠請撥的款三十萬兩應恭候 命下再由臣部咨行戶部查照成案酌量籌撥所有臣等遵議常德湘潭兩處自開商埠緣由理合恭摺具陳伏乞 皇太后 皇上聖鑒訓示謹 奏光緒三十一年八月初六日奉 硃批依議欽此

遷店告白 ○啟者本號遷在松栢街三十二號門牌此佈 光緒三十一年九月十四日 協裕生主人謹啟

吉屋招租 ○啟者新加坡麻六甲街門牌第二十號招人租賃 諸君有合意者可詢 林錦炎兄弟面議便悉此佈 光緒三十一年九月十四日 林錦炎兄弟謹啟

新魚網出投告白 ○啟者茲本館定于西一千九百零五年屋多末月廿六號拜四即華九月廿八日下午五點鐘在小坡鐵巴虱前門牌四十四號內拍賣新網二張 諸君有欲投買者屆期 玉臨可也此佈 光緒三十一年九月十四日 巴越拍賣館謹啟

告白 ○啟者屈臣氏永昌分局生意自癸卯年在大坡門牌五十九號開張今因生意不前各股東志圖別業願將分局傢私舖底全盤頂與香港屈臣氏公司合興承受其銀交易清楚若永昌日前欠到別號揭揭項項等不干合興之事倘異日生意盈虧與永昌無涉特此聲明以免後論此佈 光緒三十一年九月十四日 星架坡屈臣氏合興告白

生理聲明 ○啟者福南街第一號門牌奇珍號茶居生意各東志圖別業願將店底傢私全盤頂與澤記承受准九月十六日清楚如有經手等項請向前途理明與澤記無涉此佈 光緒三十一年九月十四日 澤記謹啟

光緒三十一年九月十四日

制而學生中又無不樂於變服色者即外省官場中亦多喜易故軍機處諸大臣日前又集議一次以爲可者占七八成不加可否者占一二成其主張不改革者僅一成而已然未敢實行反對不過退有後言耳又聞政府已將變服色之制度定安專候頒發文員服制亦實行改變商
平民改變與否聽其自便

增城清鄉

○增城縣近日以惠州亂黨紛紛到擾非大加整頓清鄉事宜不足以安禍亂已將該縣清鄉事務分別特行改良並俟新募各軍開調到縣再圖與聯絡分扼沿惠州諸邊地截緝逃黨聞日前已由該縣接到臬司嚴行札飭不准再事玩延故有此番之計畫焉

吝辦酒稅

○現在政府辦理酒稅以濟餉需業已各行到粵擬將各屬所領酒餉牌費概行停辦其征收之法係仿照北洋章程辦理當經大憲札行善後厘務兩局將所開酒稅以後應如何辦理參酌情形妥議會核詳辦云聞此乃奉 旨之件決意實行云

山林利益

○山林茂盛之處泉源必多此一定理也嘉應州境各山近多伐木燒炭以致林木日少而柴價亦因之日貴南口墟一帶尤甚有老於農者謂同一泉也從前樹木茂盛時此泉雖遇極旱猶足以資灌溉自今樹木賣與人家燒炭後現非極旱而泉已枯竭足見林木之有利益方今講求種植有志與山利者尤當加意於此也

稟復沙災

○蘇州來簡云德守元戴令運寅會同寶山縣王令得庚稟復查勘各沙被災及籌劃辦法情形茲將原稟節錄如下 前畧 查鴨窩石頭鼎興三沙均孤懸海外出吳淞海口向有八十餘里百餘里之遙三沙之中以鴨窩沙爲最遠橫沙仍在鴨窩沙之東南六十餘里係川沙廳所屬地界卑府等於八月十一日會同乘帆船航海前往石頭鼎興兩沙逐圩查勘積水退盡石頭沙現存災民大小丁口八百三十餘口淹沒二百餘口鼎興沙災民人數及淹沒人口與石頭沙相似惟圩岸房屋農器什物全遭漂失淹斃人口除漂沒入海外均已掩埋而生者殷殷待食雖已由施紳暨卑職得庚及紳士陸續振給米鹽等物可支三四日之糧惟須源源接濟方可保全卑府等逐戶詢問衆口一詞此石頭鼎興兩沙近日之實在情形也鴨窩沙橫沙准於十二日即行往勘容再稟聞卑府等揣度待振情形均在孔亟相酌定由卑職得庚囑董赴滬先行購定白米一千石食鹽一千八百斤鹹菜一千八百斤鼎興石頭二沙合米三百石食鹽六百斤鹹菜六百斤鴨窩沙擬先取米三百石鹽六百斤鹹菜六百斤此三沙已由卑職得庚選派公正紳董監放惟橫沙受災較重擬先去米四百石鹽六百斤鹹菜六百斤由卑府等趕緊催運即請公正鄉耆帶同放給以期迅速所有已經查勘兩沙及現在籌劃辦法先行稟陳鈞系

會匪猖獗

○三縣會匪蔓延大埔迭記前報茲探悉該匪首邱義山自鎮至埔後即據九龍黃桐窠及老住龍石門眼洋猪子印等處爲巢穴並隨帶有匪婦四五口到處勾引開臺拜會不論通衢僻壤招集十餘人公然大張旗鼓肆無忌憚縱有正直紳士祇得掩耳盜鈴莫敢究詰凡山僻小鄉更任其搶掠不敢聲張以致近來勢燄日熾荷坑有田阿亮者向做小販生理日前因搭船往墟偶與友人談及匪事田即大言呵斥適有匪黨在旁將田某認識迫返店後即召集黨羽十餘人各執槍炮而田詰責復以利刃加其頸謂汝輩敢口出大言吾等斷不饒汝後身人再三解勸令田納銀三十元始肯放手又薑田坑何某亦係二縣匪黨因與蔡姓爭山被蔡毆辱何心不服竟率黨十餘人將蔡某擄去隨身衣物剃得淨盡嗣經何之族人恐釀事端向匪等代爲說情暗中出洋數十元以飽所欲事始得息又同仁甲黃泥排長坑張某家僅小康有比鄰藍某平日交結匪徒迫令張某入會張某不允竟於某夜被匪等劫掠一空聞匪未至時藍即託名到張處寄宿作匪等偵探及匪至後張有壯丁一名恐與匪作對藍復以大言恐嚇謂張之被搶實因不聽其言致罹此患汝等只好甘心從匪以免株累云匪勢猖獗如此有地方之責者尙其及早清辦幸勿釀成巨患也

不索賠償


○日俄之戰東三省損失甚衆爲數不貲嗣在美京紐約議和時中國業經聲明索還費賠刻聞已作罷論矣按中朝之所失中立即國田廬人口戰事既和後例當索賠今乃置之不問此固由國勢積弱使然亦未始非撫心自問內歉於中所致斯事原因其來甚遠俟暇日當詳言之

主張限額

○美國砵崙埠柯利近報云上議紳富頓昨日演說論及華工來美情形畧謂中國因美國續行禁例遂禁用美貨以爲抵制美國商務利權將來必拱手而讓之他人爲今之計必須苛例濶汰使上等華工得自由而於華工入境每年限數若干仍須與各國一律優待於斯時也華人心悅誠服而美國商務亦可以藉此挽回矣○又知名商人鳥哥士演說謂近數年來因禁例過嚴華人遂視美爲畏途故皆裹足不前間有迫于生計冒險而來者亦寥寥無幾以致美國西方及檀香山各田園渴望工人吾甚願中美兩國新訂之約每年限定華人來美由五萬至十萬五年爲期分居檀島及西方乃可敷用於美國固大受其益且於美工無害法良意美吾知中國必樂得贊成也
日本撤軍 ○日本東京國民報云日本定於九月底開始撤退滿洲軍隊大約六閱月中可以撤盡據各武員意見謂日本於開戰以後所募之兵當遣令歸田以節經費然據多數人之意見謂此項新募之兵不必遣散因此後高麗滿洲鐵路遼東半島等處均須派兵駐守之故云

售發酒蜜鳥標旗

啟者蜜酒銷流亦已廣矣然
而家數過多則精粗不一求
其能令飲者百益而無一損
莫如旗標鳥蜜為最良此標
蜜酒係在英京久已著名之
釀酒家所製與別不同現在
新嘉坡永和成公司



德茂公司
允吉公司

怡昌公司 豐盛公司
及各酒店均有零沽 諸君
有欲採購者務請認明所刊
標頭庶不致悞特此佈聞

大英一千九百零五年十月三號

售發酒灣勃血補庄上

啟者本公司所沽此標勃灣
酒係由歐洲辦到罇首紅色
久已中外知名不特氣味香
甜而且常飲此酒便覺顏色
光華精神日長較之他家所
製真有霄壤之分蓋緣此酒
最能補血養臟血一充足則



氣脈自必
流通四肢

百骸無不舒暢本公司可保
此酒乃上庄之酒 諸君有
欲壯體延年者請各 玉臨
勿基第八號門牌本公司內
採購可也特此佈聞

大英一千九百零五年八月一號

Joseph Travers & Sons, Ltd.
8, Boat Quay.

新嘉坡代理人兒直勝嗎士及其子有限公司謹啟

兒直勝嗎士及其子有限公司謹啟

新嘉坡西樂地招告白 ○啟者坡中華人諸 士商有因出賃欲用西樂者當可應招欲知詳細及其價目請詢工部局司理鼓樂人 棉慈丕呂謹啟

承頂聲明 ○啟者芙蓉坡巴虱口街門牌六十五號新洽發號什貨布路生理原係石再復石君新合夥創於光緒戊戌年向無異議 茲因石君新志圖別業願將股份頂與石振安承受即請 公親并公核算清楚而石君新應得股份以及家器等項頂與石振安掌管而石君 新應得母利銀即日在公親面前交楚以後新洽發生理盈虧不干石君新之事而石君新若與外間來往會借等項亦與石振安石再復兄弟 無干先此聲明以免後議 光緒三十一年九月十二日 承頂人石振安謹啟

新書名茶並出 ○竊謂殘編斷簡學士之搜求猶虞弗獲雀舌龍團雅人即癖嗜豈能週知以徹孔明齋星洲老店遐邇知名所販今 古奇書若谷香茗靡不整齊恒無子遺今也學古從新閱文標異是故特向中日書肆督辦時務新書蒙學新說一切正書野史暨備不遺其書 目不一價值無二恕不登錄有志從學者請祈移玉面商而重試我名山新到之茶庶知予言之不謬也謹此佈告 先登新到名茶數種餘不 盡錄 計本號青獅茶 夜梨香 百合茶 鐵羅漢 光緒三十一年九月十一日 實叻新吧虱邊孔明齋謹啟

本坡工部局告白 ○啟者茲本局欲招人承供以下所列各物及承充各項工程其承辦之期係由西一千九百零六年然花里月一 號起以一年為滿期茲特條開如左 計開

一加旋木及民冬梧圓木 加蘇木 鋪地磚 屋瓦 二椽料 三各項雜物 六祖家灰

七銅鐵及機器師所用各物 八鑄工 機器工 九在丹戎巴葛燒攪工役

十在惹蘭勿煞燒攪工役 十一牛及駕駛牛車之人以便駕駛本局載糞之車

十二牛及牛車并駕駛牛車之人以便載運石塊至本坡獄內 又牛及牛車并駕駛牛車之人以便載運物件

十三由本局貨倉載運紅白石碎及他項物件 十四欲在北方第一段及第二段貨倉載運紅白石碎以充修路之用

十五由本坡獄中及本局南方第三段第四段貨倉載運紅白石碎以充修路之用

十六供給牛及駕車之人以便駕駛本局洒路之水車及研路水車及研路鐵車及運貨鐵車等

十七供給牛及駕車之人以便向宰牲局中運載牲口之糞及搬擡

十八充當造水溝之工役 十九供給紅石碎運至本局貨倉 二十供給紅石碎運至本局廠內

廿一本局所用員役之號衣 甲 物料 黃白斜紋布 乙 物料 縫工及綳袖邊工并黃白斜紋布衣裳及帽而鈕扣不在其內 丙 縫工及綳袖邊工并烏呢黃白斜紋布衣裳及帽

廿二靴及鞋 甲 黃皮 乙 烏布 丙 紫花色帆布

廿三本局員役所用藥料及裁割物料或以一年或以三年為滿期 至於以上各等之工役若欲知其一切細情以及入票之格式紙可向本局寫字樓于每日辦公之時查詢取討便得而每紙納費半員并 每票先繳銀一百員以為壓票之項若使其票實無欺當將此項給還所投之票其票筒定于西一千九百零五年怒民末月二號拜四 即華十月初六日中午以前送交本局至于價之高低由本局裁奪不得執價低者得為詞特此佈告 大英一千九百零五年十月七號 工部局司理人波兀刺士承命謹啟

壽世良方 ○嘗思人有三奇曰精氣神而究之神賴精生精賴氣生是氣者可不重歟然重之必當保而護之培而養之使固有者克 葆其有有之而不足者充足其有本號精選潞州所出之參錦州所出之芪配以牛精生氣之藥專工製煉藥渣存液化汁為膏氣味甘美質性 中和不寒不熱不濕不燥無論何人俱可常服每日早起空心用酒開服一匙可以補土生金可以滋腎保肺生血旺氣益壽延年久服自得其 效本號主人已領其益茲不敢自秘敬登報紙公告同人使人人共登春臺仁壽是所翹望也餘不贅 光緒三十一年九月十一日 萬安和號主人謹啟

承頂聲明 ○啟者新加坡古勝實得力即吉靈街尾門牌一百十五號錦泰昌什貨出水生理原係王安介王金漢林金列三人合夥 開創今因他三人志圖別業願將店底家器等件全盤一概頂與林觀耀承受任從改號勝美他日生理得失不干他三人之事如錦泰昌號王 安介王金漢林金列日前有與諸寶號往來揭借滙兌等事均向經手是問與承頂人無干至于錦泰昌號所有來往不明限至一禮拜內前來 理會如過限不到者亦與勝美號無涉先此聲明免滋後論 光緒三十一年九月初九日 承頂人勝美林觀耀謹啟

承頂聲明 ○啟者新加坡古勝實得力即吉靈街尾門牌一百十五號錦泰昌什貨出水生理原係王安介王金漢林金列三人合夥 開創今因他三人志圖別業願將店底家器等件全盤一概頂與林觀耀承受任從改號勝美他日生理得失不干他三人之事如錦泰昌號王 安介王金漢林金列日前有與諸寶號往來揭借滙兌等事均向經手是問與承頂人無干至于錦泰昌號所有來往不明限至一禮拜內前來 理會如過限不到者亦與勝美號無涉先此聲明免滋後論 光緒三十一年九月初九日 承頂人勝美林觀耀謹啟

謀無碍者多以一笑置之否則戰時之開當不自今始矣試觀昔年德皇電賀已故打蘭士目總統等事英之視此爲何如德報休矣其亦自反焉斯可已

德事專電 ○本坡實得力太晤士西報接到十二日德京發來專電云非南急打羽因報章所傳德國欲將西南非洲之外府棄置一節并非確耗云

歐糖日盛特電 ○本坡實得力太晤士西報接到十二日英京發來特電云西一千九百零五年核計歐洲各國所產之糖共有六百六十二萬五千墩而上年出糖祇得四百六十九萬墩云 按以是比較則一千九百零五年出糖約增二百萬墩是無怪邇來糖價日跌而法京某糖行亦復猝然倒閉其協理人且已無端自盡矣

俄患內訌特電 ○本坡實得力太晤士西報接到十三日英京發來特電云現在俄國摩士高省甚屬平靖停工爲亂之人其勢亦已畧殺矣然在日前各亂民曾與可殺克兵互相惡鬪初由各亂民擲之以石各兵下馬發槍擊斃亂民十名傷者甚眾厥後復有停工之人一隊手執紅旗遊行道上各巡差將其趕散以致隊中人受傷甚多各俄報論謂現在可殺克兵與各巡差所行彈壓之事未免過于殘忍云

土賊擄人勒贖特電 ○本坡實得力太晤士西報接到十三日英京發來特電云有某英人備于土國某號製烟公司內近日忽被山賊擄去今始將其一耳函交駐紮土國摩拿士打之英國領事官聲稱若至西本月十四號即拜六日不交英金六千磅爲之贖取即置該英人于死地云

中日交涉 ○北京來翰云中朝因爲現在滿洲日兵尙未撤退以及留兵駐守車路之事業已備文詰問日廷嗣得日廷覆稱現在俄日和約尙未由兩國朝廷畫押此時中國可以不必詰問此事云

德袍疑團 ○歐洲來簡云德國之意以爲英日所立之約是必欲傷德在山東之權利云嗟乎羣雄逐鹿各抱殖民拓土之心視我土字正如砧上肉釜中魚咸思于取予携而又思得患失時事至此未卜主人翁否有吝惜耳

文部人員 ○北京來函云科舉既停廷議設立文部日來籌措已定聞將以孫中堂管該部事務榮張兩大臣爲尙書紹箕于式枚爲左右侍郎此說甚爲可信云

不偏貴介 ○北京函云北京之華胄學堂原爲滿洲貴介而設刻聞 兩宮有意推廣漢族子弟無使有向隅之歎大公爲懷真如清天儼日云

奏設鐵路 ○北京函云山西同蒲鐵路迭經山西留學日本學生函勸父老并電無台設法開辦以免外人垂涎由晉紳解榮翰太史劉篤觀察等具稟撫轅請速開辦旋經張中丞具摺入奏畧謂仿粵漢川漢章程設立同蒲鐵路公司集款築造擬由太原省城起南達蒲州以通黃河北抵大同以通宣化計二千餘里約款二千餘萬名爲同蒲鐵路並擬先行集款開辦由太原至平遙之一段路工云

公法衙門 ○北京都察院代奏職員蘇學衡呈稿據稱現當考察政治之時應請設立萬國公法衙門以後一切事件宜照公法辦理云云該摺亦有旨留中然聞有密令某大臣會議之說

又被奏參 ○江督周馥前被御史奏參多款交鄂督查辦尙未據覆又被江寧將軍永隆臚例十二款大參特參聞政府已命北洋大臣與鄂督按照所參各款切實查明覆奏矣

借款流弊 ○鄂督向英商某銀行借款以爲粵漢鐵路第一期贖款以湖北某項財政作抵有知其詳者謂該借款合同頗滋流弊若照其所訂辦法將來該省財政無異自行束縛云

參議眼病 ○羊城來函云商部王參議邇因眼患復發須加意醫治不能前赴南洋因於日前電請商部各堂可否另派他員接代聞箇中人云參議之意如各堂不能准如所請擬即呈請開缺安心調治云

藉神圖利 ○嶺東日報云潮民迷信神權達於極點水利不與農學不講一遇天時水旱則求之土木偶以冀挽回久爲識者所笑今夏秋間雨澤愆期海廟斗門之兩仙吉林之雷神皆極一時香火之盛然所求無應附近田園半成荒土而該鄉民猶迷而不悟現又有好事者將舉行建醮藉以圖利近來四處分帖謂將於後隴鄉取香後郭鄉取茶等語聞後郭鄉田園有開墾者僅十之二神遊到處所費不貲有地方之責者盍設法禁止以蘇民困而挽惡習云

整頓巡警 ○潮州巡警既無教練辦理又未盡善腐敗已極沈觀察蒞任即注意改良警政會稟請大憲派員來潮辦理現經省憲札委龍大令到潮認真整頓而苦於無款頗難措辦聞議就各街坊行店認捐並議開抽花捐以資經費未卜大憲准如所請否也

學務欽差 ○各省學政下次簡放時間已定名爲欽命考察某省學務欽差並聞此項人員雖仍由翰詹科道六部九卿中選派然須洞明學務一切事宜者方可應選大約將來此項人員多由學務處及翰林院講學所中挑選由學務大臣考試奏請又得一確實消息云俟籌定翰林院人員之出路後即作罷論不必簡派矣惟由學務大臣每屆三年請放一次以便考試各省學堂畢業學生云